



Broj: 16-12-16-2-6852- 7/20  
I. Sarajevo, 16. 11. 2020. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 26. stav (2) tačka c) i člana 70. stav (5) Zakona o javnim nabavkama ("Službeni glasnik BiH", broj 39/14), na preporuku Komisije I za nabavke za potrebe Državne agencije za broj 16-12-16-2-6852/20 od 06.11.2020. godine, u postupku javne nabavke policijske opreme za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### ODLUKU

o rezultatima pretkvalifikacije u postupku javne nabavke policijske opreme za potrebe Državne agencije za istrage i zaštitu

#### Član 1.

Na preporuku Komisije I za nabavke za potrebe Državne agencije za istrage i zaštitu broj 16-12-16-2-6852/20 od 06.11.2020. godine u postupku javne nabavke policijske opreme za potrebe Državne agencije za istrage i zaštitu (u daljem tekstu: Agencija), putem ograničenog postupka, za koji je obavještenje o javnoj nabavci broj 1161-2-1-213-3-40/20 objavljeno na Portalu Agencije za javne nabavke i u Službenom glasniku Bosne i Hercegovine broj 67/20, kvalifikovani kandidati su:

- a) "KM TRADE" d.o.o. Visoko;
- b) "SHOT" d.o.o. Zenica;
- c) "DANIALS" d.o.o. Tešanj.

#### Član 2.

Tenderska dokumentacija sa pozivom za dostavljanje ponuda dostavit će se kvalifikovanim ponuđačima iz člana 1. ove odluke.

#### Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

#### Član 4.

Za realizaciju ove odluke zadužuje se Sektor za materijalno-finansijske poslove Agencije.

## Član 5.

Ova odluka stupa na snagu danom donošenja.

## O b r a z l o ž e n j e

Odlukom broj 16-12-16-2-6852-1/20 od 14.10.2020. godine pokrenut je postupak javne nabavke policijske opreme za potrebe Agencije, putem ograničenog postupka, procijenjene vrijednosti 208.205,00 KM bez uračunatog PDV-a, za šta su novčana sredstva predviđena u okviru budžetskih sredstava za 2020. godinu.

Predmet javne nabavke podijeljen je na LOT-ove:

- LOT 1 Automatska puška, kalibra 5,56 mm (10 komada), procijenjene vrijednosti 115.042,00 KM;
- LOT 2 Automat kalibra 9x19mm (10 komada), procijenjene vrijednosti 45.300,00 KM;
- LOT 3 Balistička kaciga (20 komada), procijenjene vrijednosti 47.863.00 KM.

Prema Tenderskoj dokumentaciji odabir ponuđača za javnu nabavku policijske opreme putem ograničenog postupka provodi se u dvije faze i to:

- Faza I - pretkvalifikacija;
- Faza II- dostavljanje ponuda.

Obzirom da je tačkom 15. Tenderske dokumentacije navedeno da je rok za dostavljanje Zahtjeva za učešće u postupku javne nabavke policijske opreme (u daljem tekstu: Zahtjev) 30.10.2020. godine do 12,00 sati, te da se ponude dostavljaju u zatvorenoj koverti, Komisija I za nabavke za potrebe Državne agencije za istrage i zaštitu (u daljem tekstu: Komisija I) je dana 02.11.2020. godine u 14,00 sati izvršila otvaranje dostavljenih Zahtjeva, gdje je utvrđeno da su blagovremeno dostavljena tri Zahtjeva, kako slijedi:

R.br	Naziv ponuđača	LOT
1.	"KM TRADE" d.o.o. Visoko	LOT 1 LOT 2 LOT 3
2.	"SHOT" d.o.o. Zenica	LOT 1 LOT 2 LOT 3
3.	"DANIALS" d.o.o Tešanj	LOT 3

Komisija je nakon otvaranja dostavljenih Zahtjeva za učešće postupak nastavila u smislu pregledanja dokumentacije priložene uz dostavljene Zahtjeve, a u cilju utvrđivanja kvalifikovanosti kandidata shodno uslovima navedenim u Tenderskoj dokumentaciji. Uvidom u sadržaj dostavljenih Zahtjeva Komisija I je utvrdila da kandidati: "KM TRADE" d.o.o. Visoko, "SHOT" d.o.o. Zenica i "DANIALS" d.o.o Tešanj ispunjavaju kvalifikacione uslove iz Tenderske dokumentacije u pogledu lične sposobnosti, sposobnosti obavljanja profesionalne djelatnosti i tehničke i profesionalne sposobnosti.

Shodno navedenom, nakon provedene Faze I postupka javne nabavke policijske opreme za potrebe Agencije, prihvaćen je prijedlog Komisije I i odlučeno je kao u članu 1. ove odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO

- Ponuđačima 3x,
- Sektoru za mat.-fin. poslove,
- a/a.

DIREKTOR  
GLAVNI GENERALNI INSPEKTOR POLICIJE

  
Darko Čulum